



Republika e Kosovës-Republic of Kosovo
Komuna-Municipality
Hani i Elezit



04/ *2042* 2026

DREJTORIA PËR BUXHET DHE FINANCA

RAPORTI I PUNËS DHE AKTIVITETEVE PËR PERIUDHËN JANAR-DHJETOR 2025

Hani i Elezit, 2026

DREJTORIA PËR BUXHET DHE FINANCA

Drejtoria për Buxhet dhe Financa për vitin 2025, funksionin e vet e ka ushtruar në bazë të kompetencave dhe përgjegjësive ligjore mbi qeverisjen e Komunave të Republikës së Kosovës, Statutin e komunës së Hanit të Elezit, Ligjin mbi menaxhimin e financave publike dhe përgjegjësitë, Ligjin mbi financat e pushtetit lokal, Ligjin mbi vetëqeverisjen lokale, Ligjin mbi tatimin në pronën e paluajtshme, Rregulloret dhe udhëzimet administrative nga Ministria e Financave, Punës dhe Transfereve (MFPT).

Drejtoria për Buxhet dhe Financa me qëllim të realizimit sa më efikas të të gjitha kompetencave dhe përgjegjësive, ka funksionuar kryesisht në katër (4) sektorë:

1. Sektori për buxhet
2. Sektori për financa,
3. Sektori për të hyra dhe
4. Sektori i tatimit në pronë.

Drejtoria për Buxhet dhe Financa e menaxhuar nga drejtoresha e drejtorisë dhe me një staf prej (6) zyrtarëve, gjatë vitit 2025 kishte një angazhim permanent, me një përkushtim të madh në drejtim të realizimit sa më të suksesshëm të të gjitha objektivave dhe detyrave të parashikuara në planin e punës së drejtorisë. Aktiviteti i drejtorisë ka qenë i përqëndruar në realizimin e buxhetit sipas dinamikës së planifikuar dhe menaxhimin sa më efikas të buxhetit.

Buxheti i komunës së Hanit të Elezit i ndarë sipas Ligjit me **NR. 08/L-332 MBI NDARJET BUXHETORE PËR BUXHETIN E REPUBLIKËS SË KOSOVËS PËR VITIN 2025** është në lartësi prej **3,615,457.00 Euro**.

Ky buxhet është ndarë sipas kategorive ekonomike si në vijim:

- Paga dhe shtesa..... 2,188,542.00 €,
- Mallra dhe shërbime..... 584,500.00 €,
- Shpenzimet komunale..... ..94,000.00 €,
- Subvencione dhe transfere... 143,000.00 €,
- Shpenzime kapitale..... .. 605,415.00 €,
- Totali i buxhetit..... 3,615,457.00 €.

Punët dhe aktivitetet të cilat janë zhvilluar gjatë periudhës janar-dhjetor 2025, mund t'i veçojmë këto:

SEKTORI PËR BUXHET DHE FINANCA

- Përgatitja e raporteve mujore të të hyrave dhe shpenzimeve mujore janar-nëntor 2025 dhe publikimi në ueb faqen e Komunës,
- Përgatitja e raporteve mujore të punës dhe aktiviteteve të Drejtorisë Buxhet dhe Financa 2025 dhe dorëzimi i tyre në Kabinetin e Kryetarit si dhe publikimi në ueb faqen e Komunës në formatin PDF dhe Word,
- Deklarimi në Thesar obligimet e pa paguara dhe ato kontraktuale janar-nëntor 2025,
- Barazimi me Thesar periudha janar-nëntor 2025,
- Përgatitja dhe publikimi i borxhit publik për çdo muaj në ueb faqe të Komunës,
- Mbajtja e takimit me grupin punues për hartimin e KAB-it 2026-2028,
- Hartimi i KAB-it 2026-2028 dhe dorëzimi në KPF dhe Kuvend Komunal,
- Mbajtja e 3 dëgjimeve buxhetore për KAB 2026-2028,
- Miratimi i KAB-it 2026-2028 në Kuvend Komunal,
- Publikimi i procesverbaleve dhe listës së pjesëmarrësve në ueb faqen e Komunës,
- Pranimi i Raportit të Auditimit të PVF 2024 nga Zyra Kombëtare e Auditimit,
- Dorëzimi i Kornizës Afatmesme Buxhetore 2026-2028 në Departamentin e Buxhetit – MFPT,
- Hartimi i Raportit Financiar Janar-Qershor 2025,
- Publikimi i Raportit Financiar Janar-Qershor 2025 në ueb faqen e Komunës në tre formate: Word, PDF dhe Excel,
- Është diskutuar në Kuvend Komunal Raporti i Auditimit të PVF 2024 nga Zyra Kombëtare e Auditimit,
- Është hartuar Plani i Veprimit për adresimin e rekomandimeve të ZKA për vitin 2024,
- Publikimi i KAB-it 2026-2028 në ueb faqen e Komunës,
- Publikimi i Raportit të Auditimit të PVF 2024 nga Zyra Kombëtare e Auditimit në ueb faqen e Komunës,
- Pranimi i Qarkoreve Buxhetore 2026/01 dhe 2026/02 nga Departamenti i Buxhetit – MFPT,
- Hartimi i Draft Buxhetit të vitit 2026 dhe parashikimet buxhetore për vitet 2027-2028,
- Mbajtja e 11 dëgjimeve buxhetore për Draft Buxhetin e vitit 2026 dhe parashikimet buxhetore për vitet 2027-2028,

- Hartimi i Raportit të Dëgjimeve Buxhetore për Buxhetin e vitit 2026 dhe parashikimet buxhetore për vitet 2027-2028,
- Publikimi i Raportit të Dëgjimeve Buxhetore për Buxhetin e vitit 2026 dhe parashikimet buxhetore për vitet 2027-2028,
- Dorëzimi i Raportit të Monitorimit të Investimeve Kapitale sipas Periudhave (Q1, Q2 dhe Q3) në Departamentin e Buxhetit – MFPT,
- Miratimi i Buxhetin e vitit 2026 dhe parashikimet buxhetore për vitet 2027-2028 në Kuvend Komunal,
- Dorëzimi i Buxhetit të vitit 2026 dhe parashikimet buxhetore për vitet 2027-2028 në Departamentin e Buxhetit – MFPT,
- Rialokimi i mjeteve buxhetore në kuadër të kategorisë buxhetore Investime Kapitale,
- Llogaritja dhe realizimi i të gjitha pagesave të destinuar për pagesën e pagave dhe shtesave të Administratës Komunale, të këshilltarëve Komunal, komiteteve të ndryshme të Kuvendit, të Sektorit të Arsimit dhe Sektorit të Kujdesit Primar Shëndetësor.

**RAPORTI I EKZEKUTIMIT TË BUXHETIT PËR PERIUDHËN
JANAR - DHJETOR 2025**

Kategoritë buxhetore	Buxheti 2025	Buxheti përfundimtar	Realizimi Janar-Dhjetor 2025	%
Paga dhe shtesa	2,188,542.00	2,333,505.44	2,333,505.44	100.00%
Mallra dhe shërbime	584,500.00	1,048,306.44	885,908.70	84.51%
Shpenzime komunale	94,000.00	114,000.00	111,622.88	97.91%
Subvencione dhe trans.	143,000.00	193,520.00	193,519.48	100.00%
Investime Kapitale	605,415.00	1,295,254.03	838,345.28	64.72%
TOTAL	3,615,457.00	4,984,585.91	4,362,901.78	87.53%

SEKTORI PËR TË HYRAT

Planifikimi i të hyrave vetanake për vitin 2025 është në shumë prej 339,719.00 €.

Në kuadër të këtij sektori janë kryer këto aktivitete:

- Përpunimi, harmonizimi dhe barazimi i evidencave të detajizuara të të gjitha llojet e të hyrave sipas programeve buxhetore, fondeve dhe kodeve ekonomike në Sistemin Informativ të Menaxhimit Financiar të Kosovës (SIMFK),
- Pranimi i të hyrave indirekte nga Gjobat e Policisë, Agjensioni Pyjor i Kosovës dhe gjobat nga Gjykatat për TM1, TM2, TM3 dhe TM4 në shumë prej 119,568.75 €,
- Alokimi i të hyrave të inkasuara në Nën – Programe dhe kategori buxhetore varësisht prej planifikimeve buxhetore,
- Bartja e bilancit të pashpenzuar nga viti 2024 në vitin 2025 në shumë prej 170,771.67€.
- Inkasimi i të hyrave direkte vetanake për periudhën janar – dhjetor është në shumë prej 1,147,751.99 €.
- Totali i të hyrave direkte dhe të hyrave indirekte janë në shumë prej 1,267,320.74 €
- Tejkallimi i projeksionit të të hyrave vetanake në shumë prej 927,601.74 € ose 273% tejkallim.

SEKTORI I TATIMIT NË PRONË

Gjatë këtij viti, ky sektor ka pasur këto aktivitete:

- Shërbime të rregullta ndaj qytetarëve,
- Shpërndarja e faturave të tatimit në pronë për vitin 2025 nga Posta e Kosovës,
- Plotësimi i formularit të inspektimit të tatimit në pronë për vitin 2024,
- Pranimi i Raportit të vlerësimit të pronave rezidenciale dhe industriale nga DTP – MFPT,
- Shqyrtimi i ankesave të tatimit në pronë nga Komisioni i shqyrtimit të ankesave të tatimit në pronë të parashtruara nga tatimpaguesit.

